

懷遠縣志卷之十一

賜同進士出身安徽鳳陽府懷遠縣知縣孫讓修

建置沿革記

縣地淮以南為古塗山氏國

書娶於塗山孔安國曰塗山國名

漢書地理志當塗應劭曰禹所娶塗山侯國也

夏殷時徐揚二州境周為青揚二州境

禹貢海岱及淮惟徐州淮海惟揚州

以淮為界

爾雅濟東曰徐州江南曰揚州

殷時九州大約仍夏之舊也

周禮職方氏正東曰青州正南曰揚州

職方無徐州而青州其川淮泗則青與揚蓋以

淮為界

懷遠縣志

卷十一

記沿革

春秋時為吳楚之境

春秋成十五年會吳于鍾離杜註鍾離楚邑襄十五年會吳于

向京相璠曰向沛國縣

按鍾離國不知封於何時周初于江淮間 分吳楚不聞別有

建置杜氏通典濠州春秋末鍾離子之國通鑑胡註

宋蒼梧王元徽元年

鍾離古塗山之國春秋鍾離之國不知所本春秋成十五年會

吳於鍾離杜註云鍾離楚邑則其亡當在春秋前無可考著矣

秦為泗水郡九江郡地其所置縣無考

按淮以北為泗水郡地淮以南為九江郡地

漢為九江郡之當塗國曲陽國沛郡之龍亢縣向縣平阿國義成

國等地

漢書地理志九江郡

原注縣十五

當塗

原注侯國莽曰山聚

曲陽

原注侯國莽曰延平

亭

沛郡

原注縣三十七

龍亢

向

原注故國

平阿

原注侯國莽曰平甯

義成

按亦

侯國註失之

錢大昕新斲註漢地理志當塗在今懷遠縣西三里龍亢在懷遠縣西八十五里向在懷遠縣西北義成今懷遠縣東北十五里

姚鼐廬江九江二都考當塗蓋得今懷遠東南地曲陽蓋得今

定遠東北及盱眙西地陰陵蓋得今懷遠西南地鳳臺東南地

懷遠其淮水南地當塗及陰陵東地也其淮之北則沛下蔡地

也

按曲陽在定遠西不得及盱眙陰陵距淮較遠水經注淮水逕莫邪山西南有陰陵城莫邪山南卽定遠也不得及鳳

臺下蔡爲今之鳳臺不得云懷遠有下蔡地蓋姚氏失考也

### 懷遠縣志

#### 卷十一

記沿革

一一

按縣境奄有當塗龍亢義成地其曲陽平阿則與今之定遠壽州鳳臺分轄向則與今之宿州分轄也

後漢以沛郡爲沛國縣皆依舊而平阿義成度屬九江

續郡國志揚州部九江郡

原注十四城

西曲陽

當塗

原注有馬邱聚

平

阿

原注故屬沛有塗山

義成

原注故屬沛

豫州部沛國

原注二城十一

龍亢

向

原注本國

按前漢沛與九江以淮分界後漢以平阿義成屬九江而九江始跨淮南北矣

三國時地屬魏以龍亢屬汝陰郡義成西曲陽平阿屬淮南郡而當塗向俱廢

三國志魏明帝紀景初二年四月壬寅分沛國蕭相竹邑符離

蘄銓龍亢山桑洩虹十縣爲汝陰郡 文武世王公傳楚王彪  
黃初六年改封楚王嘉平元年兗州刺史令狐愚與太尉王凌  
謀迎彪都許昌伏誅國除爲淮南郡 邯鄲懷王邕黃初二年  
封淮南公以九江郡爲國三年進爲淮南王四年改封陳  
洪亮吉三國疆域志魏豫州汝陰郡景初三年置領縣十八  
龍亢 揚州淮南郡本秦九江郡漢初爲淮南國後復故魏改  
今名領縣十 義成 西平陽 平阿  
按縣之見於三國志者惟龍亢平阿其餘諸縣洪氏多以沈約  
州郡志推索著之又魏初以九江郡爲淮南國後又改楚國楚  
滅始改淮南郡蔣濟傳云楚國平阿人平阿屬楚故令狐愚屯  
平阿謀迎楚王矣洪志亦未考

懷遠縣志

卷十一

記沿革

三

晉以龍亢屬譙國復置當塗與義城西曲陽平阿並屬淮南郡

晉書地理志豫州譙郡

統縣七

龍亢

揚州淮南郡

統縣十六

義城

西曲陽 平阿 當塗

按晉自譙剛王後譙常爲國至宋乃除故桓彝傳稱譙國龍亢  
人譙忠王尚之傳有譙國人韓連丁元此志稱郡或傳寫之訛  
也

樂史太平寰宇記濠州鍾離縣當塗城漢爲縣輿地志三國時  
荒廢晉太康九年復立

南渡之後境土華離置立無準始僑立當塗龍亢於歷陽

今之州和

而

於漢之當塗置馬頭郡其所屬之縣不盡可詳

洪亮吉東晉疆域志豫州淮南郡秦九江郡漢改今名東晉時

又分立歷陽馬頭鍾離等郡凡領縣可考者四義城漢舊縣沈志稱晉太康地志下蔡平阿並屬淮南 馬頭郡沈志屬南豫州故淮南當塗地晉安帝因山立名

按沈志云馬頭郡晉安帝立而晉書穆帝紀永和十一年謝尚鎮馬頭城州郡志又云太元十年刺史朱序鎮馬頭皆在安帝前或置鎮在前移郡在後也

宋亦為馬頭郡別置零縣又僑置虞縣濟陽縣以屬之而龍亢則并入蘄縣

宋書州郡志徐州刺史部馬頭太守屬南豫州故淮南當塗縣地晉安帝立因山形立名領縣三虞縣令零縣令濟陽令

帝立虞濟陽皆僑置其地皆不可考 豫州刺史部譙郡太守故屬沛魏明帝分立

懷遠縣志

卷十一

記沿革

四

領縣六蘄令漢舊縣屬沛 按隋書地理志彭城蘄縣梁置蘄州後齊析置龍亢郡此龍亢并蘄之証也

齊時淮西之地盡入于魏而馬頭郡如故別置已吾縣屬之

南齊書州郡志北徐州鎮鍾離 原注領 鍾離郡 原注領 虞 原注

元年割屬馬頭 零 原注永明元年 馬頭郡 原注領 已吾 原注永明元年

戴僧靜又以濟縣并之按濟縣當即宋志之濟陽已吾本後漢置在陳留不知何時僑置魏書志已吾有當塗山荆山知已吾

僑置在今縣也

梁暫復淮西于縣置汴郡龍亢郡北譙郡尋盡沒于魏魏置南兗

州譙州楚州揚州仁州臨淮郡梁郡仍置龍亢平阿義城三縣又

置南陽縣葛山縣渦陽縣洛陽縣蒙縣蕭縣皆在縣境

魏書地形志南兗州下蔡郡 原注太和十九年置 領縣四龍亢

孝昌中陷興和中復

原注二漢屬沛晉屬譙國後罷永馬頭郡 <small>原注司馬德宗置魏安二年復屬孝昌中陷興和中復</small>	中復治領縣三已吾 <small>陷興和中復</small>	郡孝昌中陷武定七年領郡七南譙郡 <small>原注司馬昌明置魏因之</small>	原注武定六年置汴郡 <small>原注蕭衍魏因之</small>	蕭衍置領縣二葛山 <small>原注武定六年置</small>	魏因之領縣二葛山 <small>原注武定六年置</small>	徐州武定七年領郡十二彭沛二郡領縣三南陽 <small>原注有曲陽城</small>	改治鍾離城領郡十二彭沛二郡領縣三南陽	按趙一清水經注釋曰洛陽卽洛澗之陽	塗山 譙州 <small>原注蕭衍置魏</small>	荆山 譙州 <small>原注蕭衍置魏</small>	揚州 <small>原注後漢治歷陽魏治壽春後治建業晉亂治豫州</small>	劉裕蕭道成同之景明中改孝昌中陷武定中復	十梁郡 <small>原注</small> 領縣二蒙 <small>原注有馬頭城</small>	仁州 <small>原注蕭衍置魏</small>	臨淮郡領縣二已吾 <small>原注</small> 義城 又曰自揚州而下二十三州	懷遠縣志 卷十一 記沿革 五		並緣邊新附地居險遠故郡縣戶口有時而絕	太平寰宇記壽春縣引輿地志云宋明帝於淮南立梁郡領北	譙北梁蒙城城父四縣梁克壽春後立北譙郡於故曲陽地北	譙蒙二縣屬焉	錢大昕廿一史攷異北魏書孟表爲蕭鸞馬頭太守太和十八	年據郡歸誠除南兗州刺史領馬頭太守鎮渦陽則太和中當	置南兗州於渦陽而志未之及	按南北攻取多虛張郡縣或無實土知葛山在縣者今有葛城	戍也知南陽在縣者有曲陽城也知洛陽在縣者以洛澗也知	蕭縣在縣者注有平阿山也知蒙縣在縣者注有馬頭城也	後齊置荆山郡改當塗曰馬頭縣又有義城縣不詳所屬又置穀
---	-------------------------------	---	----------------------------------	---------------------------------	---------------------------------	---	--------------------	------------------	-----------------------------	-----------------------------	--	---------------------	--	--------------------------	---	----------------	--	--------------------	--------------------------	--------------------------	--------	--------------------------	--------------------------	--------------	--------------------------	--------------------------	-------------------------	---------------------------

陽郡後復并義城已吾為臨淮縣又省西曲陽入定遠其餘無可考

隋書地理志鍾離郡塗山舊曰當塗後齊改曰馬頭置郡曰荆山 彭城郡穀陽後齊置穀陽郡開皇初廢有已吾義城二縣後齊并以為臨淮縣

歐陽忞輿地廣記定遠縣晉有西曲陽屬淮南郡北齊省入定遠

隋為鍾離郡之塗山縣定遠縣彭城郡之蘄縣穀陽縣地

隋書地理志揚州鍾離郡統縣四 塗山 原注舊曰東城有舊九江郡改曰馬頭置郡曰荆

山開皇初改縣曰塗山廢郡有當塗山 定遠 原注舊曰東城有舊九江郡後齊廢為曲陽縣尋廢 徐州彭

城郡 蘄 原注梁置蘄郡後齊置仁州又析置 穀陽 原注後齊龍亢郡開皇初郡廢大業初州廢 置穀陽郡

懷遠縣志

卷十一

記沿革

六

開皇初郡廢有已吾義城二縣後齊併以為臨淮縣大業初併入焉

唐併塗山入鍾離併穀陽入蘄縣而縣地分隸于鍾離定遠蘄縣矣

唐六典河南道南潁于淮淮南道北距淮其名山有塗山 原注在濠

州鍾離縣

杜佑通典濠州春秋末鍾離子之國昔禹會諸侯于塗山即其

地也 原注今鍾離縣西百里有塗山是也舊有當塗縣晉安帝立馬頭郡北齊因之隋改為塗山縣今廢 鍾離 有

荆山堰在郡城 定遠 原注漢曲陽縣在淮曲之西百一十二里 彭城郡蘄 原注秦舊

縣按通典彭城郡南至淮水中流四百四十里為壽春郡壽春縣界彭城所領惟蘄縣濱淮則今懷遠西南濱淮地皆唐蘄

縣境也

元和郡縣志河南道宿州東南至淮百里與濠州分中流為界

管縣三 蕪縣上本秦舊縣漢屬沛郡後漢屬沛國有大澤鄉  
陳涉起兵於此爲狐鳴宋於此置譙郡齊以爲北譙郡後魏改  
蕪縣爲蕪城隨開皇三年去城字屬仁州大業二年屬徐州後  
復隸徐州淮水西南流入經縣南七十里渙水西自臨渙縣界  
流入渦水東去縣一百里蕪水北去縣三十里 濠州鍾離縣  
上本漢舊縣屬九江郡至晉屬淮南郡安帝時因東郡燕縣流  
入鍾離者於此置燕縣至高齊復爲鍾離縣塗山在縣西九十  
五里淮水西南自壽州界流入西濠水出縣西南莫邪山北入  
淮東濠水出縣南濠塘山東北入淮當塗縣故城本塗山氏國  
在縣西南一百一十七里禹娶于塗山卽此也荆山堰在郡城  
西一百二十二里

懷遠縣志

卷十一

記沿革

七

舊唐書地理志淮南道濠州

原注隋爲鍾離郡武德三年改爲濠州領鍾離塗山定遠招義四縣

武德四年省塗山入鍾離

領縣三鍾離

原注漢縣屬九江郡晉宋齊梁置徐州隋初爲濠州煬帝復爲鍾離郡武

德八年置濠州皆治於此武德七年省塗山縣併入按晉置豫州宋置徐州云晉宋齊梁置徐州誤也

定遠

原注漢曲陽縣地屬九江郡隋置定遠縣

河南道宿州領縣四蕪

原注漢縣後魏加城曰蕪城縣

隋去城字屬北譙州貞觀十七年廢譙州屬徐州舊治穀城顯慶元年移于今所元和四年割屬宿州

新唐書地理志淮南道濠州鍾離郡縣三鍾離

原注武德七年省塗山入焉南

有故千人塘乾封中修以溉田有塗山

河南道宿州蕪

上顯慶元年省穀城入焉

按新唐書地理志虹縣注武德四年析夏邱置虹及龍亢六年  
省夏邱貞觀八年省龍亢則縣西北境唐初爲夏邱地虹卽今  
泗州之舊虹縣距縣之龍亢甚遠無緣并入疑此龍亢亦是僑  
置之名非今地也故不復著

五代時屬南唐周世宗克淮北置鎮淮軍於此

新五代史職方考表濠州梁唐為吳地晉漢為南唐地周為周

地宿州梁為梁地唐為唐地晉為晉地漢為漢地周為周地

曹學佺天下名勝志周世宗增築鎮淮軍為二城

宋時畧仍唐制

王存元豐九域志淮南東路上宿州符離郡保靜軍節度

原注治符

離縣 縣四望蘄 原注州南三十六里三鄉靜安荆山 上濠州鍾離

郡團練 原注治縣 縣二望鍾離 原注八鄉淮東一鎮有 望定遠 原注

州南八十里六鄉永安藕塘長樂蘆塘四鎮有烏霧山洛水

輿地廣記淮南西路濠州今縣二望鍾離故鍾離子國嬴姓後為楚邊邑東晉置鍾離郡隋置濠州唐因之又後魏置當塗縣

懷遠縣志

卷十一

記沿革

八

及馬頭郡北齊改為馬頭縣置荆山郡隋開皇初郡廢改縣曰

塗山屬濠州唐武德七年省入鍾離 按當塗漢縣馬頭郡晉置此并云魏置失考

望定遠縣本漢東城縣梁改曰定遠晉有西曲陽屬淮南郡北

齊省入定遠淮南東路宿州今縣五望蘄縣本秦縣漢龍亢縣

屬沛郡東漢屬沛國晉屬譙郡北齊置龍亢郡隋開皇初縣廢

入蘄

太平寰宇記淮南道濠州領縣二鍾離有塗山洛水馬頭城定

遠有馬邱聚曲陽城河南道宿州領縣五蘄縣有淮水渦水葛

城戍

文獻通考古揚州濠州領縣二鍾離有袁術所築荆山堰及梁

武帝築浮山堰基有濠水莊周觀魚處 定遠漢曲陽縣 古



徐州宿州領縣五蘄有渦水渙水

按九域志壽春有檄澗鎮檄澗在今縣南之洛河則縣南境宋初屬壽春矣

南渡後淮北之地入於金仍爲蘄縣其淮南地之在宋者仍爲鍾離曲陽境寶祐五年於鍾離置懷遠軍又置荆山縣隸焉其疆域不可得詳也

金史地理志南京路宿州中防禦宋符離郡保靜軍節度大定

六年來屬縣四鎮八

原注舊有荆山鎮

蘄

原注又古向城荆山在西南又東南卽塗山禹會諸侯處

也淮水逕兩山峽間渦水自河南鹿邑縣流入境至縣東入淮謂之渦口又南有洛水北流入淮亦曰洛澗

國朝因之

大清一統志懷遠縣在府西北七十里漢置當塗侯國屬九江

懷遠縣志

卷十一

記沿革

九

郡又平阿侯國屬沛郡後漢爲當塗平阿二縣皆屬九江郡晉屬淮南郡安帝僑置馬頭郡省二縣入之劉宋初以郡屬南豫州泰始後屬北徐州蕭齊因之後魏屬楚州北齊改曰馬頭縣又改置荆山郡隋開皇初郡廢改縣曰塗山屬鍾離唐武德四年省入鍾離宋寶祐五年置懷遠軍及荆山縣屬淮南西路元至元二十八年省荆山廢懷遠軍爲縣屬濠州明屬鳳陽府本朝因之

縣東控陰陵西連宿亳背承濠上面眇壽陽渦河縮汴宋之途洛口扼東師之阻漢時置縣國者六迨吳魏交爭此爲疆圉兵燹所及遂以空虛晉旣平吳仍尋漢制伊洛尋陷作鎮馬頭自爾以還益多搶攘迄乎唐室底定遂虛其地隸屬旁邑而江淮之運溯汴

而西渦爲縮穀刺史之任兼帶兩城斤於此焉宋室南遷此與  
金人對境故戍守之備畧如東晉時至

有渙水鎮一靜安  
渦蘄水

宋史地理志淮南西路懷遠軍寶祐五年五月置縣一荆山

天下名勝志寶祐五年賈似道奏渦口上環荆山下連淮岸險

要可據理宗御答云荆山爲城義在懷遠繪圖來上殊用嘉歎

於是改軍名懷遠領荆山縣

舊縣志寶祐五年命夏貴城荆山爲懷遠軍領荆山縣始柝地

跨淮東西兼古揚州之域矣

元改軍爲縣省荆山入之屬濠州隸安豐路

元史地理志淮西北道安豐路濠州

原注至元十年歸附

領縣三懷遠

原注下宋爲懷遠軍領荆山一縣至元二十八年以軍爲縣隸濠州省荆山入焉

懷遠縣志

卷十一

記沿革

十

明初以濠州爲中立府尋改鳳陽府縣屬焉

明史地理志江南省鳳陽府領州五縣十三懷遠

原注府西北荆山在縣西

南塗山在縣東南淮水經兩峽間有北肥水入焉又北有渦水亦入淮謂之渦口又西南有洛水與壽州分界逕縣南新城村

入淮有洛河鎮巡檢司按兩峽間入淮之水當卽欠河詳輿地

明史稿地理志鳳陽府懷遠

原注宋置荆山縣爲懷遠軍治元初改爲縣以荆山縣省入東有故

當塗城東北有渦口城西南有馬頭城又西北有龍亢城又北有平阿城

於季年遂置懷遠一軍以

控淮潁元降爲縣後遂仍之蓋汴流旣湮則水非津要而車馬之

湊則南走正陽北趨臨淮無郵傳之絡繹名生得以休息無事矣

明末黃河南決自渦入淮議遷懷遠以避之蓋古之所苦者兵而

明之所苦者水今則黃流順軌矣而淮口日墊泛濫之害時時見

告當意思所以善其後者哉